



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

LXVIII. Super exemptione Religionis B. Joannis Dei nuncupat, de Fate ben
fratelli am omnimoda Jurisdictione Ordinariorum.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

LXVIII. Super exemptione Religionis B. Joannis Dei nuncupat, de Fate ben frateli ab omnimoda Jurisdictione Ordinariorum.

Edita An. D.
1659.

ALEXANDER PAPA VII.

Ad futuram rei memoriam.

Motiva hujus Constit.

EXponi Nobis nuper fecit dilectus filius Paulus Paganus Congregationis Fratrum B. Joannis Dei Procurator Generalis, quod licet dudum felic. recor. Urbanus Papa VIII. Prædecessor Noster per suas in simili forma Brevis literas die 9. Julii 1638. expeditas de tunc existentium S. R. E. Cardinalium negotiis Regularium præpositorum consilio declaraverit, ac decreverit, ut quoad dictæ Congregationis Conventus, & Hospitalia in quibus forent duodecim Religiosi, Episcopus nullatenus se ingereret, & quoad illos Conventus, seu Hospitalia, in quibus foret minor Religiosorum numerus, iidem Episcopi possent insimul cum Provinciali, vel alio majori ejusdem Congregationis Superiore ad revisionem computorum administrationis eorundem Hospitalium procedere, ita tamen, ut contra personas in nihilo se immiscerent.

§. 1. Venerabilis nihilominus Frater Archiepiscopus Calaritanus Superioritatem in Hospitali Congregationis prædictæ intra fines Diocesis Calaritanæ existentia, illaque tam quoad visitationem, quam quoad alia quæcunque sibi subiecta esse prætendit, hacque occasione nonnullas dubitationes per Congregationem Venerabilium Fratrum Nostrorum ejusdem S. R. E. Cardinalium Concilii Tridentini Interpretum resolvi petiit; super quibus emanavit decretum ejusdem Congregationis Cardinalium, prout continetur in scriptura tenoris, qui sequitur, videlicet; Calaritana. Supplex petit Archiepiscopus Calaritanus infrascriptas dubitationes per hanc Sacram Congregationem resolvi. Primò. An Fratres Beati Joannis Dei, à Magistratu Civitatis vocati, & additi servitio Hospitalis, cujus se ipse Magistratus protectionem gerere prætendit, sint exempti à Visitatione Archiepiscopi, in his, quæ versantur circa administrationem, & rationem bonorum reddendam. Secundò. Quomodo procedendum contra dictos Religiosos, se opposentes prædictæ Visitationi, virtute privilegiorum. Tertio. An dicti Religiosi prætermissa forma Sacri Concilii, & licentia Ordinarii, in prima eorum fundatione, & receptione, sint nihilominus exempti à jurisdictione Archiepiscopi, circa regularem observantiam, & personas; maxime dilapidando bona Hospitalis, vel scandalosè vivendo. Die 27. Septembris 1659. Sacra Congregatio Eminentissimorum Cardinalium Concilii Tridentini Interpretum, censuit servandam in omnibus dispositionem Brevis Urbani VIII. editi 9. Julii 1638. F. Cardinalis Paulinus Præf.

§. 2. Cum autem sicut eadem expositio subjungebat, dictus Paulus decretum hujusmodi pro firmiori illius robore, & efficacia Apostolicæ confirmationis nostræ præsidio communiri summo perè desideret; Nos ipsum Paulum specialibus favoribus, & gratis prosequi volentes, & à quibusvis excommunicationis suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum præinstructum Apostolica auctoritate, tenore præsentium confirmamus, & approbamus,

illique inviolabilis Apostolicæ firmitatis robor ad-jicimus: salva semper in præmissis auctoritate præfatæ Congregationis Cardinalium Concilii Tridentini Interpretum.

§. 3. Decernentes easdem præsentis Litteras semper firmas, validas, & efficaces existere, & fore, ac illis, ad quos spectat, & pro tempore quomodocumque spectabit plenissimè suffragari, & ab illis respectivè inviolabiliter observari. Sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere, ac irritum & inane si secus super his à quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, cæterisque contrariis quibuscumque.

Datum Romæ apud S. Mariam Majorem sub Annulo Piscatoris, die 5. Novembris 1659. Pontificatus Nostri Anno Quinto.

Tenor Brevis Urbani VIII. est qui sequitur.

URBANUS PAPA VIII.

Ad futuram rei memoriam.

Cum sicut dilectus filius Angelicus Rampulla Congregationis B. Joannis Dei Procurator Generalis, Nobis nuper exponi fecit, per quondam fel. record. Paulum V. prohibeatur expresse, ne plures ad habitum, & professionem per Fratres dictæ Congregationis suscipi, & emitti solitam admittantur, quam Infirmorum, & miserabilium personarum necessitas exigit, ac per aliam Constitutionem Pii etiam V. Romanorum Pontificum Prædecessorum Nostrorum statuatur, ut quicquid Congregationis hujusmodi Fratres acquirunt, non sibi, exceptis dumtaxat victu, & vestitu, sed pauperibus infirmis, & hospitalibus, ad quorum servitium particulari instituto, ac voto obstringuntur, acquirant, indeque pateat dictam Congregationem non parum ab aliis Religionibus circa libertatem, & facultatem, duodecim Religiosos in singulis ejus Conventibus, & hospitalibus deputandi differre. Nobis propterea dictus Angelicus humiliter supplicari fecit, ut prædictam Congregationem minime comprehensam esse sub decreto auctoritate Nostra hac de re die 21. Junii 1625. inter decreta de celebratione Missarum, §. deinceps edito declarare, ac alias ut infra indulgere de benignitate Apostolica dignaremur.

§. 1. Nos igitur eundem Angelicum Procuratorem Generalem, specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine, quavis occasione, vel causa latis, si quibus quomodolibet innodatus existit ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinatis.

§. 2. De Venerabilium Fratrum Nostrorum S. R. E. Cardinalium negotiis Regularium Præpositorum consilio, Apostolica auctoritate, tenore præsentium declaramus, ac decernimus, ut quoad dictæ Congregationis Conventus, & Hospitalia, in quibus erunt duodecim Religiosi, Episcopi nullatenus se ingerant; & quoad illos Conventus, seu hospitalia, in quibus erit minor Religiosorum numerus, iidem Episcopi possint insimul cum Provinciali, vel alio majori ejusdem Congregationis Superiore ad revisionem computorum administrationis eorundem hospitalium procedere; ita tamen, ut contra personas in nihilo prorsus se immisceant.

Contrariis derogat.

Dat. P. An. g. die 5. Nov.

Motiva.

§. 3. Non obstantibus prædicto decreto, ac quibusvis aliis Constitutionibus, & Ordinationibus Apostolicis, super numero Religiosorum in quolibet Monasterio, aut Conventu constituendo, ac quatenus opus sit dictæ Congregationis, etiam juramento, confirmatione Apostolica, vel alia quavis firmitate roboratis statutis, & consuetudinibus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris, die 9. Julii 1659. Pontificatus Nostri Anno decimoquinto.

LXIX.

Pro erectione Provinciæ B. Petri de Alcantara Fratrum Discalceatorum S. Francisci, & communicatione eorum, quæ Provinciæ S. Joannis Baptistæ, & omnibus aliis Provinciis eorundem Fratrum Discalceatorum pro bono ipsarum regimine sunt concessa.

Beatificationem B. Petri de Alcantara Discalceatorum fundatoris habes ad Constit. Gregor. XV. In sede Consummationem creationem Provinciæ, vide ad Const. 317. Urb. VIII. Aliàs nos, & Const. 318. Cum sicut.

Edita An. D.
1659.

ALEXANDER PAPA VII.

Ad futuram rei memoriam.

Exordium.

Sacro sancti Apostolatus officium humilitati nostra per ineffabilem divinæ bonitatis abundantiam impositum postulat, ut paternam Christi fidelium, qui è fluctibus sæculi in portum regularis vitæ confugerunt, curam gerentes, eorum statui, & felici directioni opportunis rationibus consulere studeamus, prout pia Orthodoxorum Regum vota exposcunt, & nos matura consideratione prævia conspiciamus in Domino salubriter expedire.

Motiva.

§. 1. Nuper siquidem pro parte dilectorum filiorum Fratrum Discalceatorum Provinciæ Sancti Joannis Baptistæ Ordinis Fratrum Minorum S. Francisci de Observantia nuncupatorum Nobis expositum fuit, quod eadem Provincia vigore facultatis ædificandi, seu instituendi Conventus, seu Domos regulares in quibusvis Hispaniæ locis ei per quoddam sæc. rec. Clementis Papæ VIII. prædecessoris nostri in simili forma Brevis litteras concessas, ita benediciente Domino dilatata nunc reperitur, ut in Valentia, ac Murcia, & Granatæ Regnis, in quibus consistit, triginta sex illius Conventus numerentur, in quibus singulis Fratres notabili numero habitant. Qui Conventus cum per spatium trecentorum miliarium in longitudinem, & centum quinquaginta in latitudinem dispersi existant, Ministris Provincialibus Provinciæ hujusmodi pro tempore existentibus, si non impossibile, saltem difficillimum redditur ipsam Provinciam pedibus totam quotannis peragrarè, & visitare, sicut per statuta D. Ordinis præscribitur, nec ipsi attenda itineris longitudine, eam in singulis Conventibus præfatis moram trahere valeant, quam spiritualis Religiosorum consolatio exigit.

Supplicatio
pro divisione
Provinciæ.

§. 2. Cum autem sicut eadem expositio subjungebat, præmissis in Capitulo Provinciali d. Provinciæ providè perpensis, Fratres qui eidem Capitulo interfuerunt, omnes unanimiter decreverint, Nobis esse supplicandum, ut licentiam dividendi Provinciam prædictam concederemus, hocque decretum non solum à tunc existente Ordinis prædicti Ministro Generali, qui Capitulo Provinciali hujusmodi præfedit, approbatum, sed etiam à Capitulo generali ejusdem Ordinis in Civitate Toletana novissimè celebrato confirmatum fuerit: Nobis propterea, tam Charissimi in Christo filii nostri Philippi Hispaniarum Regis Catholici nomine, quam pro parte dilectorum ex-

ponentium humiliter supplicatum fuit, ut in præmissis opportunè providere de benignitate Apostolica dignarentur.

§. 3. Nos igitur ejusdem Philippi Regis desiderio quantum cum Domino possumus favorabiliter annuere cupientes, præfatosque exponentes specialibus favoribus & gratiis prosequi volentes, & ipsorum exponentium singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatæ existunt ad effectum præsentium dumtaxat consequen. harum serie absolventes, & absolutas fore censentes: hujusmodi piis, & rationabilibus supplicationibus inclinati, attentis expositis, necnon etiam audito dilecto filio Ministro Generali Ordinis hujusmodi, memoratam Provinciam Sancti Joannis Baptistæ Fratrum Discalceatorum nuncupatorum prædicti Ordinis Minorum Sancti Francisci de Observantia in Regnis Valentia, Murcia, & Granatæ consistentem olim Apostolica auctoritate erectam, & institutam, quæ in tantum postmodum (Deo favente) se dilatavit, & exerevit, ut triginta sex jam Conventus, seu Domos Regulares cum competenti numero Fratrum comprehendat, ac proinde impossibile sit, per unum tantummodò Ministrum Provinciale propter longam distantiam eam quotannis ad præscriptum Constitutionum, & Statutorum Ordinis prædicti visitari.

Dividit Pro-
vinciam, in
duas.

§. 4. Auctoritate Apostolica tenore præsentium dismembramus, & ex unica in duas dividimus, ita scilicet ut viginti septem Conventus nunc existentes in Provincia Valentia, & si quos exinde in eadem erigi contingat, usque ad Civitatem Murcia exclusivè, retento nomine Provinciæ S. Joannis Baptistæ, sub ea remanere, cæteri verò ab eadem Civitate Murcia per præfata Regna Murcia, & Granatæ diffusi, & in posterum pariter fundandi, ad Provinciam de novo erectam, & B. Petri de Alcantara nuncupandam pertinere intelligantur.

Gaudet privilegio alicuius Provinciarum.

§. 5. Quam Provinciam B. Petri de Alcantara de novo, sicut præfertur erectam, & institutam volumus inter Provincias prædicti Ordinis Minorum Regularis Observantia auctoritate Apostolica erectas, & approbatas aggregari, & annumerari, ac aggregatam, & annumeratam esse statuimus, & decernimus, omnibusque concessionibus, gratiis, indulgentiis, & litteris Apostolicis eidem Sancti Joannis Baptistæ, & aliis dicti Ordinis Provinciis Discalceatis concessis, & pro tempore concedendis frui, & gaudere, ac si eidem de novo specialiter concessa essent, & eisdem Constitutionibus, legibus, statutis, & ordinationibus, quibus dicta Provincia Sancti Joannis Baptistæ utitur, & gubernatur, similiter perpetuò uti, & gubernari debere.

§. 6. In Capitulo autem Provinciali, in quo Præfates ipsiusmet Capituli ad novam electionem præfideat, vel etiam in Congregatione more Capituli Provincialis ad hunc effectum habent, & celebrant tempore, & loco ab ipso Ministro Provinciali Provinciæ Sancti Joannis Baptistæ præscriptis, convocatisque per ipsum Diffinitores, Fratres, cunctisque omnium locorum, seu Conventus ipsius Provinciæ Guardianis, ex omnibus ejus Fratribus, hoc est de toto corpore Provinciæ, unus illorum in Ministrum Provinciale pro Provincia de novo erecta per eosdem Ministrum Provinciale, Diffinitores, & Guardianos per vota Secreta ad præscriptum Sacri Concilii Tridentini, & deinde ex corpore Congregationis solummodo quatuor Diffinitores, & Custos servatis servandis, & prout in hujusmodi Capitulis Provincialibus moris est, eligantur, quos omnes scilicet Ministrum Provinciale, Diffinitores, & Custodem postquam electi fuerint, idem Minister Provincialis Sancti Joannis

Dat modum eligendi Ministrum, & Diffinitores.